

Broj: U.D.-01-3.2.-15719/18
Sarajevo, 16.10.2018. godine

Na osnovu člana 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku usluge revizija finansijskih izvještaja za 2018-2020 broj: 07.4-13.73-447-73/18 od 09.10.2017.godine, Uprava Društva na svojoj 178. elektronskoj sjednici održanoj 16.10.2018. godine, d o n o s i:

O D L U K U O IZBORU NAJPOVOLJNIJEG PONUĐAČA

I

U postupku javne nabavke usluge **revizija finansijskih izvještaja za 2018-2020**, ovom odlukom se vrši izbor najpovoljnijeg ponuđača **REVIK doo Sarajevo** i dodjeljuje se **okvirni sporazum na period od tri godine**, sa ukupnom vrijednošću ponude – okvirnog sporazuma do **30.000,06 KM bez uračunatog PDV-a, odnosno 35.100,07 KM sa uračunatim PDV-om**.

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Izabrani ponuđač je dužan u roku od 5 dana od dana prijema ove odluke dostaviti rješenja nadležnih organa kojim se odobrava obavljanje usluga koje su predmet ove nabavke (Rješenje o upisu u registar revizorske komore FBiH ili RS) kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

IV

) Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **revizija finansijskih izvještaja za 2018-2020** broj: U.D.-01-3.2.-2357/18 od 05.02.2018. godine i Rješenja Generalnog direktora o formiranju Komisije za provođenje postupka nabavke broj: 01-13.73-447-2/18 od 06.02.2018. godine, Komisija je provela postupak javne nabavke, putem konkurentskog zahtjeva za dostavljanje ponuda sa predviđenim zaključenjem okvirnog sporazuma sa jednim ponuđačem na period od 3 godine, broj: 07.4-13.73-447-54/18 sa objavljivanjem obavještenjem o nabavci br. 238-1-1-745-3-177/17 od 05.09.2018.godine. Javno otvaranje ponuda u postupku predmetne nabavke održano je dana 17.09.2018. godine u 12 sati i 15 min, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda, broj: 07.4-13.73-447-66/18, koji je sastavni dio ovog Izvještaja, a koji je istog dana dostavljen ponuđačima koji su učestvovali u predmetnom postupku nabavke.

